

飲

虹

籀

所

刻

曲

孝威





楊夫人樂府

(十九)

序

余自童年知文卽慕古文詞迨長而遇蹇益
疏縱不爲儒縛或寓筆詞劇以發塊磊不平
於是四聲猿之作方自負未獲鍾期之知
乃於友筭得楊升庵夫人詞讀之旨趣獨雅
風致翩翩填詞用韻天然合律予爲之左遂
焉夫以升庵之通博著述甲士林而又得賢
媛才藝冠女班何修而臻此迺升庵公刑于
之化與因深愧夫余婦之慙慙梓而行之并
媿夫海內之嬾之慙慙者天水徐渭文長氏

述

楊夫人樂府詞餘引

升菴公夫人舊有鴈飛曾不到衡陽一律及積雨釀輕寒一調膾炙人口余蓋童而竊聞之矣今年夏過年家兄蘇門伯子爲言夫人才情甚富不讓易安淑真其詩稿逸不存存者惟詞餘五卷皆□其太史遠戍寫其幽懷怨致蓋三百篇中旨也惜元無刻本僅得之手錄藏之帳中十五年矣盍謀而梓之以公諸賞音者因出以相示則已半爲蠹蝕乃更爲緝葺繕寫成帙付之剞劂氏然中有脫略

有疑誤則都仍舊貫以伺博雅君子徐考訂
焉不敢以臆參補貽續貂之誚也余因感古
今寶物隱見有時豐城之劍不遇張華孰起
龍光於塵土夫人篇什雲蒸霞爛至今幾百
年始得流播人世則茲刻未必非彤管家功
臣也口抱疴長千里未及丐學士長者爲之
口始識其略于簡端萬曆戊申中秋古丹陽
郡人楊禹聲題

楊夫人別傳

明正嘉中南北曲之風大昌而閨閣之以樂府名者曰楊夫人夫人諱峨字秀眉遂甯黃尚書珂第二女正德辛未科修撰新都楊慎妻也慎之父廷和與珂交舊慎初娶於王旣前卒歲戊寅珂遂以夫人歸慎於京師閨門肅穆慎敬憚之嘉靖甲申以議大禮忤旨謫慎雲南永昌衛後二年迎夫人貶所未幾奔舅喪還新都自是夫人留於家寓府西之榴閣時有寄外之篇爲時傳誦慎處滇土者四

十年紀綱家務翳夫人是賴趙貞吉撰楊文忠墓碑記謂夫人幾於楊氏嬰曰可以知其賢矣廷和之喪家人將斂以禮夫人獨奪眾志曰舅忤旨幸致仕義當藁葬使有中傷者天威詎可測邪旣而世宗果遣使啟驗眾乃服夫人見晚歲嘗歸寧兄子若榛欲奉游廣德寺曰寺爲名勝姑自幼未至今無游人請侍遊夫人曰我雖老固寡婦也卒不行隆慶己巳卒夫人少慎十歲後慎卒十年年俱七十二也子寧仁側室曹出孤姪有仁夫人撫

之有成克世家學廷和有樂府餘音慎有臨
情樂府慎之弟慥惇亦皆能曲見玲瓏倡和
楊夫人樂府著錄祁承燦澹生堂書目并刻
入飲虹簃曲刊

盧前曰余過遂甯訪夫人粧臺遺址莫知其
處辛未遊桂湖問所謂榴閣者老幹參天與
湖光相映爲悵然久之嘗語劉咸忻曰夫人
何其似李易安也漱玉之集旣以詞名於宋
夫人變其體而以曲爲有明聲家別子皆天
地扶輿之氣所偏鍾也獨夫人詩文散佚求

如易安金石錄序者已不可得文字之顯晦
其果有贏縮之數與

楊夫人樂府目次

卷一 套數

商調二郎神

南呂一枝花

仙呂點絳脣

越調鬪鶴鷄

仙呂點絳脣 維揚風月 刪

卷二 重頭

駐雲飛 足古詩四首

凭闌人 足古詩四首

一半兒 四首

折桂令 四首

梧葉兒 四首

柳搖金 四首

落梅風 四首

駐馬聽 四首

風入松 四首

折桂令 二首

紅繡鞋 二首

清江引 二首

天淨沙 二首

折桂令 二首

風入松 二首

黃鶯兒 二首

駐雲飛 二首

卷三 小令

寨兒令

沉醉東風

皂羅袍

捲簾雁兒落

紅繡鞋

雁兒落帶得勝令

朝天令

清江引

巫山一段雲

罵玉郎帶過感皇恩採茶歌

水仙子帶過折桂令

楊夫人樂府卷一 套數

遂甯黃娥秀眉誤

商調二郎神

春到後正三五銀蟾乍圓深院裏誰家吹玉
管紫姑香火聽一叢土女聲喧欲擲金錢暗
卜歡爭奈歸期難算合遠如天真箇是斷腸
千里風煙

前腔嬋娟從別後萍流蓬轉多病多愁相思
衣帶緩記名園花底笑挽秋千回首雲程隔
萬山燕來時黃昏庭院合前

玉堂客東風芳草競芊綿何處是王孫故園
夢斷魂勞人又遠對花枝空憶當年愁眉不
展望斷青樓紅苑合離恨滿這情恁怎生消
遣

前腔海棠經雨梨花禁煙買春愁滿地榆錢
雪絮成團簾不捲日長時楊柳三眠樓高望
遠空目斷平蕪如翦合前

黃鶯兒晴日破朝寒看春光到牡丹閒將往
事尋思徧玉砌雕闌翠袖花鈿一場春夢從
頭換合惡姻緣雲收雨散不見錦書傳

前腔鶯語巧如絃趁和風度枕函聲聲似把
愁人喚衷腸幾般夢魂那邊一春憔悴誰相
伴合前

琥珀貓兒墜紅稀綠暗最是惱人天恰正是
一片春心怯杜鵑又那堪千重別恨調琴懶
合慘然對天涯萬里落日山川

前腔水流花謝春事竟茫然都只因春帶愁
來到客邊怎奈春歸愁不與同還合前

尾九十春光虛過眼人憔悴慵將鏡看且倒
金尊花前學少年

南呂一枝花

好恩情花上花都翻成夢中夢隔春水渡旁
渡勝蓬萊東復東江鱗塞鴻誰把殷勤送雌
蝶雄蜂空堆愁悶叢

梁州蓬鬆了雛鷓髻朶蹙損了團鳳眉峯塵
埋了舞鸞腰帶冷落了瑞鴨熏籠想當初拈
玉纖秋千夜月片時間軟金杯桃李春風到
如今勻紅淚秋雨梧桐沖沖怱怱合歡調改
做了淒涼弄點潘郎翠葆如蓬真箇是千重
別恨調琴倦一寸相思攬鏡慵

尾有一日閒衾剩枕和他共解嬌羞錦蒙啟
溫柔玉封說不盡嬾娜風流千萬種

仙呂點絳脣

驕馬吟鞭舞裙歌扇長相伴月下星前多少
陽關怨

混江龍只爲歌喉宛轉覷著陷人坑似誤入
武陵源但和他恩情一遍不弱如流遞三千
不義門怎生連理樹火坑中難長並頭蓮眉
尖傳恨眼角留情枕邊盟誓袖裏香羅尊前
心事席上情粽傳書寄簡翦髮拈香都是鼻

凹兒砂糖侍曉也如何
曉郎君們買了些虛
脾風月賣了些實落莊田

油葫蘆有這等月夜春風美
少年憑他們惡
胡纏每日價長安市上酒家眠
有一日業風
吹入悲田院那時節行雲不赴
凌波殿麗春
園十徧粧曲江池三墜鞭恰相逢
初識桃花
面都是些刀劍上惡姻緣

天下樂你早賣了城南金谷園
虔也麼虔怎
過遭每日價宴西樓醉歸明月天
一壁廂間
著綺羅一壁廂列著絃管
有一日飢寒守自

然

那吒令那一等村的肚皮裏無一聯半聯那
一等村的酒席上不言強言那一等村的俺
跟前無錢說有錢是這村膽兒查動不動村
筋兒現有甚的品竹調絃

鵲踏枝覷著一箇俏生員伴著一箇女嬋娟
吟幾首詠月情詩寫幾幅錦字花牋團弄的
香嬌玉軟溫存出疼惜輕憐

寄生草你問我兩樁事聽取俺一句言俏的
教柳腰舞得東風軟俏的教蛾眉畫出青山

淺俏的教鶯聲歌送行雲遠俏的教半枚土
築就楚陽臺村的啊一把火燒了祆王殿
村裏逐鼓二人評論百年姻眷這虔婆又特
地來也麼天天好不與人行方便侍教俺蝶
避了蜂鸞丟了鳳鶯離了燕鏡破了銅簪折
了玉瓶墜了泉娘啊直恁的緣薄分淺
元和令洞房春口中言陽關路眼前見賽潘
安容貌可人憐腹中愁欺謫仙一春常費買
花錢赤緊的不分愚共賢

上馬嬌教那廝空拽拳乾遇仙休想花壓帽

簷邊推得箇沉點點磨盤兒滴溜溜轉暢好
是眼暈又頭旋

遊四門待教我片帆雲影掛秋天兩岸聽啼
猿吳江楓落胭脂淺看漁火對愁眠你與緊
張筵

勝葫蘆便有天子呼來不上船把我熬煎待
教我冷氣虛心將他願戀覷一覷要飯吃攪
一攪要衣穿老虔婆要攪下口含錢

么篇月缺又重圓人老何曾再少年舌尖上
無甜唾口兒裏有頑涎甚底是前生世曾會

靈山

後庭花你愛的是販江淮茶數船我愛的是
詠風流詩百篇你愛的是茶引三千道我愛
的是錦箋數百聯便休言赤緊的不願請點
湯晏叔原告迴避白樂天

尾聲贏得腹中愁不稱心頭願大都來時乖
命蹇山海似恩情方纔展被他愛錢娘撲地
掀天壞了好姻緣我只願禱告青天若到江
心緊溜旋向金山寺那邊豫章城前面好教
一陣風翦碎了販茶船

良興 越調鬪鵲鶉 憶別

分手東橋送君南浦日斷行雲淚添細雨載
恨孤舟戛愁去櫓廝看覷兩無語當時也割
不斷那樣恩情今日箇打疊起這般淒楚

紫花兒序病恹恹雲衣雨帶冷清清月戶風
亭孤另另晨鐘暮鼓信斷音疎枕剩衾餘脚
躡想起他嫋嫋婷婷玉不如動人情處春風
蘭蕙秋水芙蓉

調笑令短歎又長吁一寸柔腸千萬縷眼睜
睜怎忍分飛去鳳鸞交鴛鴦伴侶爭奈燕鴉

喧鵲妬枉耽了落雁沉魚

麻郎兒東君要與花爲主可憐見憔悴了粉
捏身軀月纔圓便有雲和霧端的是嫦娥命
苦

聖藥王高橋渡團山路萬轉千回無計留他
住錦瑟年華誰與度鐵做心腸淚似珠不見
他一紙來書

尾聲不明白前世姻緣簿教今生千般問阻
實指望眼皮上供養出並頭蓮有分教心窩
兒裏再長連枝樹

仙呂點絳脣 維揚風月

錦纜龍舟可憐空有隋隄柳千古閒愁春老
瓊花瘦

混江龍江山如舊竹西歌吹古揚州二分
月十里紅樓人倚雕闌品玉簫手捲珠簾上
玉鉤維揚風月景天下最爲頭罷干戈無士
馬太平時世省刑罰薄稅斂民庶優遊列一
百二十行經商買賣透八萬四千門人物風
流平山堂竹西閣蟠花膩葉九曲池小金山
白鷺沙鷗鷓鴣銀行街米市街如龍馬驟禪智寺

山光寺似蟻人稠茶房內泛松風香酥鳳髓
酒樓裏歌白雪檀板鶯喉接前庭通後院魚
鱗砌瓦遶竹閣近綺戶龜背毬樓金盤露瓊
花露釀成佳醞錦纏羊柳羔羊魚饌珍羞看
官場愛躡袖垂肩蹴踘休教坊慣清歌妙舞
俳優著輕紗穿異錦齊臻臻按春秋奏繁絃
吹急管鬧炒炒無昏晝將數萬兩黃金買笑
費幾千段紅錦纏頭

油葫蘆爲甚的月底籠燈花下游將飲興酬
我向綺羅隊裏封作醉鄉侯斟著錦橙漿渲

淨談天口折取口桃花搭住拿雲手打疊起
國子監的酸拽扎起翰林院的縐趁著錦封
未拆香先透渴時節飲盡洞庭秋

天下樂尙兀自一盞能消萬斛愁三杯扶起
頭我只待紅裙會中奪第一籌飲酒啊灌得
咳嗽看花啊沁成症候也強似假惺惺真出

醜

那吒令倒金瓶鳳頭捧瓊漿玉甌蹙金蓮鳳
頭顯凌波玉鉤整金釵鳳頭露春尖玉手若
還天有情天也老春有恨春先瘦山有眉山

也顰皺

鵲踏枝花比他少風流玉比他欠溫柔端的
是燕也銷魂鶯也藏羞赤緊的櫻桃閉口呆
答孩荳蔻藏頭

寄生草我空央及到十箇千歲他剛嚙了三
箇半口險污了內家裝束紅鸞袖越顯出宮
腰體態纖楊柳到口出芙蓉顏色嬌皮肉白
處似梨花粧冷粉酥凝紅處似海棠暈暖胭
脂透

么篇磨鐵角烏犀冷點霜毫玉兔秋對明窗

滄海龍蛇走蘸端溪石硯雲煙透拂羅牋湘
水波文溜投至得吳宮花草二十年費了些
翰林風月三千首


後庭花應答得俏心兒投笑談得局面兒熟
拚了我月夜攜紅袖不覺的春風到玉樓這
酒啊怎生嚙不咽喉動勞箇田文生受氣昂
昂才包今古吞宇宙焰騰騰噴吐虹霓射斗
牛寬綽綽拂袖紅雲出鳳樓興悠悠騰駕蒼
龍遍九州樂陶陶醉賞瓊花雙玉甌香拂拂
斟一杯花露酒

青歌兒呀央及殺偷香偷香韓壽不驚回兩
行兩行紅袖感謝文章賢太守我是江海俊
儒流傲宰相王侯咱賓主相留敘筆硯交游
會詩酒綢繆他悶倚紅樓櫪控驎騮絲繫蘭
舟潯陽江水悠悠蘆花楓葉颼颼紅蓼汀洲
白芷林上話不相投不爭聽徹琵琶楚江頭
休淚溼了青衫袖

尾聲比及客散畫堂中不隄防人約黃昏後
這花啊不比泛常牆花路柳這場事怎肯癡
心兒干索休引惹得人強風情酒病花愁掃

愁帚強如捧箕手者磨的頭鬢上霜華漸稠
衫袖上酒痕依舊會風流到老也風流

楊夫人樂府卷一



楊夫人樂府卷二 重頭

遂甯黃幟秀眉譔

駐雲飛

足古詩四首

暗想嬌容疑是瑤台月下逢
鳳枕鸞衾共蝶粉
蜂黃重儂何處最情鍾
分散西東會少離多天也將人弄水
遠山長處處同

暗想嬌情一笑回頭百媚生
兩點秋波淨八字春山映卿別後
冷清清獨守長更夜雨難晴
一枕和愁聽隔箇窗兒滴到明

暗想嬌羞往事牽情不自由
帳薄燈光透寒

峭花枝瘦休一日比三秋人在心頭兩字相
思鎖定雙眉皺殘夢關心懶下樓
暗想嬌嬈家住成都萬里橋啼鳳求凰調比
玉如花貌妖無福也難消淚染紅桃欲寄多
情魚雁何時到若比銀河路更遙

凭闌人

足古詩四首

休教宮髻學蠻粧原是巫山窈窕娘行雲夢
高唐隨郎還故鄉

休教鶯語學蠻聲萬里長途辛苦行迢迢遠
別情盈盈太瘦生

休教眉黛掃蠻煙同上高樓望遠天天涯新
月懸故鄉何處邊
休教楊柳學蠻腰魂斷關山骨也銷何時步
蘭苕折花戲紅橋

一半兒

小紅樓上月兒斜嫩綠叢中花影遮一刻千
金斷不賒背燈些一半兒明來一半兒滅
腰身小小意中人嬌態盈盈笑裏嗔一點靈
犀漏泄春引人魂一半兒香來一半兒粉
水邊楊柳路邊花也照污泥也照沙合著風

流一夥家說情雜一半兒妝龔一半兒啞
金杯美酒苦留他錦帳羅帷不戀咱翠袖紅
粧馬上斜俏冤家一半兒鬪人一半兒耍

折桂令

記相逢月地雲階剩枕閒衾擘鈿分釵半點
芳心三生薄倖一寸離懷立千秋風吹繡帶
倚闌干露濕羅鞋人去愁來信阻音乖淹了
藍橋早了陽臺

記相隨並枕同衾愁也同禁病也同禁翠袖
雕鞍寒冰凍雪遠水遙岑好時光歡娛未穩

惡姻緣憔悴如今感歎沈吟舊約休尋抹殺
了交頸鴛鴦再休提一刻千金

記風流窈窕知心花底垂頭石上磨簪花朵
兒身描月芽兒眉細柳眼兒情深竹枝兒扭
斷了誰憐瘦損桃瓢兒擘破了人在中心鸞
鳳離林鴉雀相侵不爭他蝶鬧蜂喧都只因
雁落魚沉

記相思俊俏嬌娃間阻多端咫尺天涯雲鬢
慵梳蛾眉羞畫都只因他歎光陰如奔駿馬
笑玉顏不及寒鴉閉月羞花掃雪烹茶美愛

幽歡變做了短歎長嗟

梧葉兒

雲和雨雨和雪雪兒雨兒無休歇隴驛傳梅
隔池塘夢花怯窗案燈花謝難打熬無如今
夜

衾如鐵信似金玉漏靜沉沉萬水千山夢三
更半夜心獨枕孤眠分這愁懷那人爭信
元宵近燈火稀冷落似寒食歲月淹歸計干
戈有是非烽火無消息曉來時帶減征衣
金爐畔玉案前記得當年鵠立通明殿翦綵

宮梅片青煙御柳篇明月傳柑宴幾曾經瘴
雨蠻煙

柳搖金

朝

茅簷草下誰種出海棠花嬌滴滴俏冤家柳
腰枝剛一把綰烏雲雙鬢鴉娉婷未嫁二八
時娉婷未嫁飲散流霞只落得夢魂牽掛

尊前花下且寬心留戀咱何日再遇嬌娃雙
並頭還嫌遠怎生的拋撇了他金錢買卦桃
花女金錢買卦寶馬香車再來時春宵無價
留他不下爲誰人忙去家回首時隔天涯東

郊頭扶上馬紫絲韁手懶拿淚沾羅帕背人
處淚沾羅帕一曲琵琶兜率天怎如愁大
與他說下休戀著花木瓜端的是意見差老
鴟兒惡狠狠黃桑棍寸紮麻磨殺纔罷休只
等磨殺纔罷喬坐花衙疼殺我哥哥大大

落梅風

樓頭小風味佳峭寒生雨初風乍知不知對
春思念他背立在海棠花下

書憑雁夢借蝶枉耽了千金良夜倚闌干愁
見月兒斜洞房冷銀燈花謝

春寒峭春夢多夢兒中和他兩箇醒來時空
牀冷被窩不見你空留下我
因他俏把咱迷眼睜睜指甚爲題害相思只
怕日平西合著眼先推昏睡

駐馬聽

夢峽啼湘千古多情兩斷腸眼穿心碎影隻
形單意慘神傷寒生翠被裊餘香鏡中不見
青鸞樣好處休忘長記得花前月下相偎傍
離別曾經不似今番最慘情想著他水邊嫋
嫋月底娟娟花下盈盈到如今守窗無語恨

長更燈前不見徘徊影萬里飄零那堪對此
淒涼境

淚眼看花記得臨行相送他一場春夢千種
風流咫尺天涯慵歌白雪飲流霞尊前不見
凌波襪懊惱嗟呀山盟海誓成虛話
春夢悠悠日壓重簷懶舉頭鸞孤鳳隻燕懶
鶯慵蝶恨蜂愁粉香餘暖在衾稠懷中不見
纖纖手有日綢繆他心我意還依舊

風人松

四首

噴香瑞獸小粧臺咫尺天台芭蕉不展丁香

結閉春心眉鎖難開銀蠟燒燈過後金釵鬪
草歸來

徘徊花月可憐宵天近人遙有情□□□□
□□□時一枕無聊王母池連翠水雲英家
住藍橋

月樓花院好風光謝女檀郎朝朝暮暮遙相
望帶人嬌羅帶留香青鳥解傳消息銀河不
隔紅牆

繡羅紅嫩抹酥胸此夕重逢妬雲恨雨腰肢
重暈眉心獮髓分紅蠟燭寒籠翡翠麝香暖

度芙蓉

折桂令

爲風流勾引春情你做紅娘誰做鶯鶯鬢亂
釵橫眼重眉褪膽顫心驚粉香處弱態伶仃
煙花寨卽世魔精悄悄冥冥款款輕輕偏手
妹妹先嘗急喉姐姐休聽

好花枝國色天香你做鶯鶯誰做紅娘賽越
西施遊吳南浦窺宋東牆有千般風流業樣
愛尋常雅淡梳妝鳳也求凰鴛也思鴛有分
成雙願早成雙

紅繡鞋

實指望花甜蜜就誰承望雨散雲收因他俊
俏我風流鼻凹兒裏砂糖水心窩兒裏酥合
油餡不著空把人地逗

你不慣誰曾慣人可瞞天可瞞夢見槐花要
綠襖兒穿嘴孤都看一看滑卽溜難上難你
無緣休把人來怨

清江引

容易來時容易捨寂寞千金夜花好防花殘
月圓愁月缺怕離別如今真箇也

離恨天教人盼望苦又攣上銷魂路身居寂
寞州情遍相思鋪斷腸時幾點臨明露

天淨沙

哥哥大大娟娟風風韻韻般般刻刻時時盼
盼心心願願雙雙對對鸚鵡
娟娟大大哥哥婷婷嫋嫋多多件件堪堪可
可藏藏躲躲齶齶世世婆婆

折桂令

寄與他三負心那箇喬人不念我病榻連宵
不念我瘴海愁春不念我剩枕閒衾不念我

亂山空館不念我寡宿孤辰茶不茶飯不飯
全無風韻死不死活不活有甚精神阻隔音
塵那箇緣因好事多磨天也生嗔

天生你端要磨咱好朶仙花落
在誰家被兒裏風流懷兒裏
恩愛做了口兒裏嗟呀飛虎
賊終遭白馬嫩凰雛怎配烏鴉
海角天涯水渺雲賒到頭來山也
相逢急時間心癢難撾

風入松

一絲雨氣病襄王枕上時光風流自古多磨
障幾時得效對鸞凰覓水重來崔護看花前

度劉郎

千嬌百媚杜韋娘
惱亂柔腸
昨宵夢裏同鴛
帳醒來時依舊淒涼
歡會百年嫌短
離愁一夜偏長

黃鶯兒

翠被口寒生
訴離情
天未明
淚花落枕紅綿
冷鄰雞一聲
譙樓五更紗窗殘
月愁分影
謾留情
佳人薄命
飛絮逐浮萍

絃管動離聲
是旁人也
動情東橋煙柳
和愁
暝搖裝且
停行杯且
傾樽前
重唱西河
令淚

偷零銀瓶墜井腸斷短長亭

駐雲飛

疊雪香羅窄窄弓弓玉一窩鳳嘴穿花破龍
腦濃熏過唵洛浦去凌波笑殺齊奴枉把香
塵腕掌上擎來暖氣呵

戲蘂含蓮一點靈犀夜不眠雞吐花冠豔蜂
抱花鬚顫唵玉軟又香甜神水華池只許神
仙占夜夜栽培火裏蓮

楊夫人樂府卷三 小令

遂甯黃娥秀眉譔

寨兒令

花寫眞水爲神月牙兒半灣眉黛顰年紀青
春流落花塵分外可憐人枕頭兒邊海誓山
盟等盤兒上暮雨朝雲步蘭苕臨海浦折楊
柳向河津含雨淚溼羅巾

沉醉東風

也不是石家的綠珠風韻也不是喬家的碧
玉青春合雙鬟夢裏來行萬里雲南近似蘇

家過嶺朝雲休索我花鈿與繡裙窮秀才牀
頭金盡

皂羅袍

爲相思瘦損卿卿守空房細數長更梧桐金
井葉兒零愁人又遇淒涼景錦衾獨亘銀燈
半明紗窗人靜羅幃夢驚你成雙丟得咱孤
另

捲簾雁兒落

難離別情萬千眠孤枕愁人伴閒庭小院深
關河傳信遠魚和雁天南看明月中腸斷

紅繡鞋

望天台花當洞口夢陽臺人在峯頭雲天花
地兩悠悠把眼前閒愁付酒歎別後光陰似
流借問劉郎記否

雁兒落帶得勝令

俺也曾嬌滴滴徘徊在蘭麝房俺也曾香馥
馥綢繆在鮫綃帳俺也曾顫巍巍擎他在手
掌兒中俺也曾意懸懸閣他在心窩兒上○
誰承望忽刺刺金彈打鴛鴦支楞楞瑤琴別
鳳凰我這裏冷冷清清獨守鶯花寨他那裏笑

吟吟相和魚水鄉難當小賤才假鶯鶯的嬌
模樣休忙老虔婆惡狠狠做一場

朝天令

夜遊虎丘銀燭秋光溜喉歌掌舞醉溫柔風
韻前年又月暗金波花明紅袖向離筵重勸
酒清謳散愁細雨黃昏後

清江引

鍾馗臥牀扶不起鬼病難醫治硯瓦害相思
想必無他意屈原投江沉到底

巫山一段雲

巫女朝朝豔楊妃夜夜嬌行雲無力困纖腰
媚眼暈紅潮阿母梳雲髻檀郎整翠翹起來
羅襪步蘭苕一見又魂銷

罵玉郎帶過感皇恩採茶歌

仕女圖

一箇摘薔薇刺挽金釵落一箇拾翠羽一箇

撚鮫綃一箇畫屏側畔身斜靠一箇竹影遮

一箇柳色潛一箇槐陰罩○一箇綠寫芭蕉

一箇紅摘櫻桃一箇背湖山一箇臨盆沼一

箇步亭臬○一箇管吹鳳簫一箇絃撫鸞膠

一箇倚闌凭一箇登樓眺一箇隔簾瞧○一

箇愁眉霧鎖一箇醉臉霞嬌一箇映水勻紅
粉一箇偎花整翠翹一箇弄青梅攀折短牆
梢一箇蹴起秋千出林杪一箇折回羅袖把
做扇兒搖

水仙子帶過折桂令

不明不暗唱陽關無語無言倚畫闌多情多
恨空腸斷那人兒甚日還相思擔其實難擔
獨樹山頭路皐橋渡口船眼睜睜面北眉南
○眼睜睜面北眉南拋閃得隻鳳孤鸞都只
爲燕兩鶯三好箇人人從他去去鬼病慊慊

常想著臨上馬淚拋珠點蹙雙蛾鬢亂花尖
鹽也般鹹醋也般酸你也休慙我也休慙

楊夫人樂府

玲瓏倡和

(三十)

命 蘇 州 府

(二十一)

玲瓏倡和

七犯玲瓏四首

改舊詞

楊升庵

凝粧上翠樓垂楊映玉鉤重簾不捲餘寒透

香羅帶

羅袖鈿箜篌彈出江南怨翻成塞北

愁

梧葉兒

澗凝眸繁華時候只見得王孫芳

草千里路悠悠

水紅花

歎韶華不爲少年留

恨青春獨把空牀守蜂兒作隊鶯兒喚友魚

兒不見鴈兒怎求

皂羅袍

有信書難寄無言

淚暗流

桂枝香

寬腰帶脫臂鞦闌干劃損玉

搔頭

非歌

何日再綢繆

黃鶯兒

玲瓏倡和

飲虹移

昏昏倦倚樓
炎炎暑氣浮
離人最怕初長晝
薄倖在何州
粉頸鬆羅扣
弓鞋褪錦兜
恨悠悠
悠雲儂雨
恁辜負
調冰雪藕
清暑共銷憂
臨粧奩不見
鳳鸞儔
捻銀針
嬾把鴛鴦繡
碧筒翠罽與誰唱
酌銀牀
珍簞與誰並
頭香冷黃
金獸
茶寒白玉甌
荷香靜
槐影收
夕陽西下水
東流天際望
歸舟
悲鴻度小樓
飛螢滿院流
火雲銷盡
青山瘦
蘆葉暗汀洲
南浦潮初落
西山雨乍收
冷颼颼
颼生綃翠袖
多少淒涼證
候團扇掩嬌羞
只

贏得一重愁
翻做兩重愁
怎能夠
長相思
變做長相守
玉人何在
音書枉投
玉關何處
山河陽修
每夜燒香
拜何時
秉燭遊
銀河耿璧
月浮才看
織女會
牽牛指日
又中秋

寒光凍玉樓
霜威透錦裘
起來呵手
鉛華溜
對鏡嬾梳頭
嬌淚紅冰落
長眉翠月愁
憶藏闔去冬時候
誰承望
經今別久
轉眼歲華週
風掀衣只道
玉人搗雪敲窗
錯訝檀郎扣
誰來相探
銀蟾半鉤
誰來相伴
銀燈半篝
業障千重
透恩情一筆
勾梅魂瘦
竹影幽幾
曾胡

蝶夢莊周默坐數更籌

七犯玲瓏

顧箬溪

山花近小樓朱簾半上鉤越羅新試輕寒透
一曲擬篁篔坐對昆池水消殘萬古愁豁吟
眸山明水秀胸次元無罣礙山水共悠悠羨
仙踪隨處可淹留喜山居半畝堪株守三三
兩兩詩朋道友來來往往不驕不求野渡花
爭發春塘水亂流黃金纒碧玉鞦何妨日費
錦纏頭樂事且綢繆

其二

□□□滿樓□□四面浮北窗一枕消長晝
元不夢汾州祛暑揮蒲扇登高買竹兜量休
休包羅宇宙端的是樂天知命無慮也無憂
憶當年拋撇鷺鷥儔到如今閒卻華蟲繡樵
夫野老煙霞唱訓水邊林下青錢杖頭識破
浮生夢分明水上漚琴初罷棋未收無窮詩
思滿中流吾道本虛舟

其三

金風度海樓白雲天際流竹搖清影當窗瘦
黃葉滿沙洲去鳥雲中沒歸帆雨後收興悠

悠新藟白酒邀取清風皓月何用列珍羞展
雙眉不惹世間愁斷三尸還把庚申守溪猿
野鶴心孚意投黃庭內景反觀自修身世無
何有乾坤汗漫遊風堪御桴可浮函關紫氣
度青牛長嘯海天秋

其四

衝寒獨倚樓霜飈欺傲裘雪花亂點波紋皺
白盡遠山頭蕉鹿醒來夢江湖老去愁冷颼
颼龍鍾羔袖厯盡蠻烟瘴雨甲子半將週杖
青藜不倩僕夫搦閉玄關只許相知扣明窗

淨几寒燈夜篝黃蘆古岸扁舟釣鉤儘把閒
情適還將詩興勾梅香冷竹韻幽懶聽勛業
說伊周歆醉送觥籌

七犯玲瓏

張石川

春風花滿樓垂楊拂玉鉤珠簾半捲香徐透
小令寄筇篻擁髻憐通德當歌有莫愁暢吟
眸滇南攬秀見幾箇蒼顏皓首萬里獨悠悠
戴三花嬉鳳且淹留慨浮雲待兔成株守歌
翻白苧醉酣紅友春山黃鳥幽谷遠求當代
人中傑眞誰第一流開芳宴衣綠鞢牡丹花

發醉扶頭調笑喜綢繆

其二

夏雲光滿樓松筠翠欲浮綸巾羽扇消長晝
萬里憶神州何處堪揮塵呼童舁竹兜意休
休量弘宇宙一任翻雲覆雨嬾作皺眉憂論
行藏朝鮮箕子儔較妍媸處士孤雲繡山林
有主詩筒倡訓功名昨夢臚傳狀頭耻待金
門漏甘親老瓦甌濃陰合溽暑收荷花十里
暗香浮蘭槳蕩輕舟

其三

秋聲起畫樓池塘倒影流金風蕭瑟梧桐瘦
征鴈立沙洲失卻鷓鴣行侶驚栖健翮收漫凝
眸憑闌拂袖可怪蛩吟促織羣鳥養時羞採
芙蓉聊慰屈原愁小山歌招隱淮南守珠明
合浦誰云暗投蘭芳楚澤真成好修興寄層
霄外心懸五岳遊青精熟紫氣浮藏書萬卷
汗干牛渚月半輪秋

真南有陸山

其四

三冬擁翠樓宮袍裊敝裘水簷雪霽銀垂溜
梅影過梢頭木落山容瘦猿吟客思愁鴈悠

悠回峯應候縱許傳書萬里一歲幾能週關
山遠鷄卜撼龍搗醉歸時錦帳紆金扣神馳
魏闕寒月映鉤鍾鳴蕭寺殘燈在篝紅日三
竿上高眠帳未勾心長樂興轉幽放歌濠上
學莊周海屋歲添籌

社長箬溪司寇頃以中丞再起撫滇爲
升庵先生構廣心樓于旅次

先生七犯玲瓏四闕索余和之茲內兄
周木涇握憲而南予餞之百里樓用韻
奉寄先生授之侍兒時而颺之爲壽當

亦念我乎嘉靖癸丑人日張寰書

七犯玲瓏次韻

半谿李丙

山圍水上樓簷鳴簾外鉤嬌紅穉綠春光透
風暖口笙篔客耳誰能聽剛腸不解愁縱雙
眸南天嘉秀見幾處浮雲冉冉倦鳥下悠悠
帶肥甘不厭海鄉留和陶詩分老蠻方守山
間鹿豕忘形與友閒中風月無錢可求砥柱
應難得江河不駐流舟橫渡鷹鎖鞬追風駿
足困籠頭幽伴日綢繆

其二

南薰薦敞樓涼雲拂檻浮披襟坐愛如年晝
遣興藉青州當暑單絺綌與酣小錦兜壯心
休迹名宇宙瞪眼堯天蕩蕩不抱杞人憂混
漁樵久撇侶和儔製荷衣不戀文兼繡桃筇
來往瓦盆勸酬芒鞋曳踵葛巾裹頭按譜翻
琴操邀鄰鬪茗甌金樞曉玉靄收銀床冰簟
剩風流何處有仙舟

其三

團團月掛樓銀河淡淡流玉人樓上耽吟瘦
漁唱起前洲池沼芙蓉渠老園林芋栗收韻飈

颺涼颺掀袖狂動謫仙才思娥影怯含羞笑
多情宋玉慣閒愁羨無爲老子能堅守官衙
城市足跡懶投兒童走卒皆知用修今古三
生夢心神入極遊還丹熟太白浮恢恢游刃
解干牛逸氣鎮橫秋

其四

巖凝白雪樓寒侵紫綺裘鴛鴦瓦凍垂繁溜
倒插玉搔頭安道筵開勝仲宣歌散愁暗分
鬪隨人探候改令呼盧喝彩骰子幾巡週飲
羊羔醉步侍兒搗擁銷金紐結丁香扣闌干

倚月簾不下鉤軒窗耀雪燈不掛篝酒債尋
常足詩逋漸次勾羈懷放生事幽中朝屬望
輔成周數定不須籌

七犯玲瓏四闕

湖州南坦劉公箬溪顧公石川張公
半谿李公因木涇周公來溟和余廣
心樓詞四首率爾口占以謝惜往日
悲回風感知音懷良友不知老淚之

橫集也

升庵

君詩趙倚樓煙雲滿紙浮碧瀾堂上同聲奏

文彩五花蚪藻席歌金縷茗溪醉玉舟憶儂
否盧前王後自古道神交契厚何必舊同遊
和楊雄一曲畔牢愁寄陶潛萬里停雲岫耆
英九叟中山老劉風流八詠東陽隱侯楓葉
含紅淚蘆花笑白頭尋三島訪十州他生未
卜此生休吟罷更夷猶

曾修五鳳樓君恩與狀頭金蓮影裏瑤墀右
仙禁出彤騶賦向甘泉奏書從石室紬步瀛
洲朝華夕秀盡許是中興史搯世業繼斑彪
悵鴻都起滅似浮漚逆龍鱗放逐嬰塵垢星

辰顛倒三心五噉簡編訛穢八索九丘翻笑
唐衢哭甘隨李白流呼爲馬應以牛餘生幸
免白符鳩莫莫且休休

休搥黃鶴樓南冠學楚囚寸田尺宅堪耕耨
玉樹怯金韃有蠖須藏影無魚莫蒯緱感摧
軀魑叢魅藪試呵問石林言獸知命亦何憂
約尋仙譚馬伴丘劉儘由他牛李和陳竇淋
漓醉墨盤拏翠虬栖遲衡泌營巢白鳩方外
乾坤別壺中日月悠魚豹虎舞鱗鯨逍遙何
似一沙鷗吾道付滄洲

思歸白兔橫江陽老一丘荔支林下清香馥
稚子語伊優雌雉驚一嗅塗鴉滿百弓脫兜
鍪精神抖擻寒燈社酒猶解祝甌窶寶琫弓
無計射鴈投青豆房且願栖靈鷲遠公蓮社
東林可投祖生馬隊斜川見羞富貴同彈指
榮華似贅疣蘆中雁果下騮浮沉一任置書
郵高枕睡齰齰

七犯玲瓏

敘庵弟惇

乘春上畫樓星殘月半鉤干家山郭朝暉透
斜抱口箜篌榮啟懷三樂錢郎散九愁盼雙

眸南滇修阻□我無由縮地空歎路悠悠任
乾坤到處可淹留信雌雄隨寓能堅守漢廷
獻策賈生是友朝端折檻朱雲可求不負平
生志眞堪第一流鵬千里鷹一韉飛沉都不
掛心頭牖戶且綢繆

雲中百尺樓朱光四野浮枯棊三百消炎晝
遙憶在南州鯉滯書難寄鴻冥網莫兜歎悠
悠數奇不偶且把江山登眺吟嘯散幽憂枕
戈心不夢鷺鷥儔打鐵手曾把鴛鴦繡花箋
錦段詩賡酒酬籃輿草履山腰隴頭文已傳

青史名何羨覆甌邯鄲夢傀儡收世間萬事
水東流俱付釣魚舟

涼飈盪庾樓年光又火流是非滾滾山新瘦
吾道付滄洲玉的明姑射金神嘯蓐收冷飈
颺追惟往舊漫道三旗六印妾婦總堪羞早
掄魁大志已先酬任飄蓬壯節尤能守學窺
千古誰不願投名高一世自勤好修夫馬盈
虛數騎鯨汗漫遊流還坎沉與浮何須變相
畫多牛寥廓共清秋

霜清謝朓樓貂餘季子裘冰簷日出垂繁溜

鼯睡且蒙頭地僻堪招隱天高散遠愁送春
鬪衡門相候誰想鵲鴿分散倏爾卅年週慣
登山不用杖藜搗喜高歌常把舷舷扣從他
世態直箭曲鈎安吾拙計香霏燭篝卿霽歌
雲慶辰星映月鈎閒情適樂事幽要知巢許
卽伊周易地不須籌

七犯玲瓏

未庵弟慥

情多莫上樓樓前江正流江流不盡愁依舊
天際是皇州綠遍蘼蕪草王孫耐薄遊共綢
繆清明前後到如今雕鞍玉勒何處驟驂驪

覓佳音曾向錦鱗求怯餘寒再把羅襦扣今
春消瘦前春病由他生願卜此生肯休柳葉
眉頻鎖楊花性怎留君如水妾似舟朝朝臨
水淚盈眸何日得回頭

荷香滿畫樓風簾響玉鉤風來衣袂香先透
無意□箜篌本爲陳三願緣何擬四愁最温
柔相逢時候喜的是金蓮襯步伴整玉搔頭
軟廝禁郎愛轉綢繆緊團圞妾意非虛謬如
今何處冰山宴遊共誰此際冰漿勸酬兩兩
鴛鴦戲雙雙菡萏抽今生偶前世修傷心對

景淚交流終日恨悠悠

登高倦倚樓砧聲韻晚秋滿城風雨重陽又
涼思冷颼颼極目傷千里纖腰瘦一彊碧溪
幽波涵遠岫憶昔臨期送別想像到溪頭恠
丹楓不向可人流對蒼穹試把喬才呪醇醪
滿甕誰來俺謀茱萸插鬢誰把俺揪雁去書
難寄花殘蝶易愁慵臨鏡怕舉甌昏昏情思
壓雙眸何日共衾裯

梨花亂撲樓瀟瀟玉滿溝圍爐風景還如舊
半臂爲君留莫被祧金誤當思畫錦遊掛心

頭窮冬數九颺甜桃戀著苦李你好沒來由
論功名不過勅封候得歡娛何必金懸肘照
人顛頓燈兒可羞惱人情況獨兒未休枕冷
鴛鴦瘦衾寒翡翠愁腸應斷魂似收幾時能
够鳳鸞儔積漸減風流

寒風宋玉樓樓頭雪靄浮凝華積素冰霜厚
時田舍火爐頭顛倒天吳畫昂藏日本裘笑
藏鉤孤斟自壽試問早梅開未花下合梁州
傳柑賦翻做遏雲謳蟻丘漿汕盡談天口掃
除煩惱坡仙詩帚爭光日月屈平遠遊枕上

邯鄲破尊前歲月流
文傳世名覆甌短長相
較定誰優一望小岫嶼

七犯玲瓏

芝山李鈞

條風入畫樓
簾櫳響玉鉤
庭除草色青
先透新曲引
篴桃豔能銷恨
丁香漫結愁
柳如眸
燕儂鶯愁
只見那數行
歸雁天際去
悠悠園花不發
爲君留何須
蜥蜴將宮守
有書難寄多方
問友靈著無
驗神籤枉求
綠髮如霜
變年光似水
流鶴歸漢鷹
脫鞴美人相
憶碧雲頭麗
句擬湯休

薰風入畫樓雲霞天際浮槐龍天矯籠晴晝
廿載別神州步健何須杖登高不用兜興悠
悠無勞倜傥且共詩朋酒侶避暑解煩憂憶
當年黃閣玉堂儔再不戀瑞錦團花繡朝朝
宴樂時時勸酌尊移花下錢掛杖頭興劇詩
千首歌停酒百甌風徐至雨乍收銀口皓齒
剩風流乘月放輕舟

金風入畫樓澄江樓下流波澄木落千山瘦
杜若口芳洲網罟漁村集羊牛牧嶺收晚風
颺翩翩雙袖舞向黃花籬畔無力倩嬌羞醉

扶歸不管幾多愁。年富貴誰長守。瑤琴閑
操銅壺笑投花畦。自漑竹枝。□□□□時
樂蘭舟處處遊。雞初壯。醅正浮。人生何用苦
營求。隨分度春秋。

朔風入畫樓。寒凌集翠裘。垂簷玉柱。冰花溜
積雪。遍山頭。高閣堪舒嘯。層軒數散愁。醉扶
頭。角聲初奏。窗月梅橫。疏影驀地暗。香浮醉
加泥。一任侍兒。搵閉重門。只許詩人扣燈燒。
銀蠟茶烹玉甌。香焚金鴨。絃調象軸。靜裏乾
坤大壺中。日月悠。江南相關內。侯可憐。一筆

盡都勾千古共擲揄

七犯玲瓏

初岡李一元

一從辭鳳樓渾如魚脫鉤
分明識得機關透
心事寄笙篴命酒邀山簡
徵歌喚莫愁盼明
眸春山晚岫又見那還林
倦烏情趣共悠悠
慕高名到處競相留賢郎
舊業眞能守山間
林下詩朋酒友高軒不羨
良田懶求字許傍
人問觴臨曲水流呼紅袖
著綠鞦酒酣何物
當纏頭雲錦與霞縷

邀賓池上樓催將太白浮
飲如河朔消炎晝

醉聽唱梁州倦欲眠平石歸思昇綵兜軟難
搗沈腰消瘦喜稚子門前相候瀟洒樂無憂
論當朝博雅更無儔看雄文組麗眞如繡客
來相訪新詩倡酬歌姬勸酒猜著務頭一曲
銷金帳雙斟軟玉甌清風起暑氣收紅蓮香
委碧波流遙喚賣魚舟

愁登天際樓憑軒涕泗流衰顏不是因詩瘦
垂老臥滄洲塞北胡猶擾江南盜未收歎神
州英雄入彀豈是陸沉時候覽鏡若爲羞染
清霜鬢髮總多愁看浮雲富貴吾何有埋輪

請劍明珠暗投回風惜日靈均好脩海嶽齊
遐筭江湖愜壯遊才無敵名豈浮紛紛去馬
與來牛安穩度春秋

同雲暗小樓寒生鶴氅裘雪兒勸酒歌喉溜
休歎滯南州花下非秦贅風前豈楚囚論才
猷秦先漢後想行踪半生奔走否運也將週
醉山公時有玉人搗臥袁安肯把朱門扣斜
陽誰歎磻溪釣鉤居夷何陋滄溟駕存意氣
追三傑襟懷傲五侯膺徵召出隱幽還將勳
業佐商周國計更紆籌

七犯玲瓏

珥江劉大昌

春滿葦珠樓樓頭仙靄浮浣花解玉新波溜
野渡有橫舟蕭放從吾好行藏得自由樂林
丘孤雲半岫凝望幾回搔首來往藉書郵儘
教他踪跡玉關留又何須名姓金甌覆登高
能賦當歌對酒樵青鼓柁丹砂解謳身寄江
湖外心懸廊廟憂幽棲地汗漫遊筵前一曲
舞梁州儒雅更風流

長夏御書樓風清槐影幽碧山學士家聲舊
手澤世耕留錦帶驅梁統牙籤等鄴侯恣窮

按詞林藝圃真是胸蟠宇宙筆湧六江流美
當時趾美步瀛洲似漢廷伯起鳴關右絲綸
繼掌鴻謨壯猷軒墀獨對英年狀頭功與伊
周並名應董賈儔銘彝鼎射斗牛天生溫路
眷中州身健未須憂

清風寫韻樓新涼大火流點蒼洱水清光透
夜雨滴庭楸爽氣生林杪秋聲在樹頭縱吟
眸儒宗文藪想是坡仙身後雄賦擬三休媿
皇墳鰲禁鳳樓修任人情覆雨翻雲手彩鸞
運筆古音盡收侯芭載酒奇篇競求詞賦懸

千載功名薄五侯雲山阻歲月迢峨眉又見
一輪秋何日得同遊

凍合廣心樓鉤簾雪絮稠天低野曠嚴冬候
卅歲一狐裘握節龍沙冷騰書雁帛愁更何
求鴻名不朽呼取金龜換酒行樂且忘憂歌
春雪弓錦織夷酋倩紅妝起舞爲君壽吳姬
十五隨波去留樊童三兩提壺勸酬有待乘
黃鶴無心隨白鷗三碣寨五檠朝東風吹作
浣花遊新令雪兒謳

附畫眉序

花月可憐宵回首風江欲上潮聽竹西歌吹
猶似前朝隋堤外一抹山光夜市裏雙聲水
調纏腰爭買迷樓俏滿樓紅袖相招

金衣公子

城鎖月明橋舞春風柳萬條畫欄紅藥家家
好詩人彩毫佳人玉簫人生只合揚州老夜
迢迢隔離呼酒揭調務頭高

集賢賓

書記平安街子報掌中偏愛妖嬈善和坊裏
把詩嘲張公子從來調笑茶煙鬢嫩春夢醒

觥船一掉空擾擾摠不如大槐宮穩著金貂

琥珀貓兒

蜀岡鍾梵禪智舊僧寮苦海回頭須是早遠
公爲我設香醪陶陶正下界林疏上方月曉

尾聲

江南江北無芳草歎歲莫荼菴載道且吟就
東閣官梅何水曹

偶錄得拙詞便寓我

升庵父師一笑侍

翁有爾女莫逆之愛不避

蝶瀆

小子 楸頓首頓首具